

Anchangham a lakkhawm uh a mat phatchuam dan uh chu a kibanglo thei khawp mai hi. Khenkhat chun tualsung sum â dingin a mang ua, khenkhat chun Kochuam sung ah meithai leh genthei te a pia sek u'i. A nek pen uh anchang a hi ziakin amau a dingin le a hiatthiam a bailam a, chiapi mai le a bailam ma ma hi.

June, 2017 khan Cambodia Pastor pasagi chu Mizoram Prebyterian Kochuam chiadan zil dingin Aizawl ah a hung ua, Kochuam chuam chuam chuantha'n a kikhawm ua, Kochuam mun pawimawte a chuantha suak bawk u'i. Pathian in Mizote eipuina leh Kochuam ei din piak lopi dan a ha gen ma ma'u hi. A thil mu'u lak ah a gen chim theilo uh chu Thawtanni zingkal ah, Mission Veng Kochuam Numei Pawl in Anchangham a zawk lai uh chu a hi. A lungthim uh a zo ten chu hi ding a hia, a genchim thei lo uh a hi. A mau gam ah le

Anchangham ah Lal nasepna hi chiapi ngal le a um bawk u'i. Aizawl a hung zin te lak ah pakhat Pastor Lav Hoeun chun hun sawtlo chia ta a khan, "Kochuam pathum ka nei ua, Anchangham ka chiapi suak thei ta'u." tiin kipakthu a gen hi.

Anchangham ah Lal nasepna hi Pathian â ding ah bang a hem bek bawl nawpna lungthim apat a hung piang dawk a hi. Zia gual tak a hin Pathian â ding a bang a hem bek bawl nawpna lungthim nei ah Anchangham hi i chiapi nau em?

Pathian in Anchangham ah a nasepna ziagual tuk ah a malzawl hi malzawl zawm zel le gua hi in a kilang hi. Zia chu a hi zinglai in Kochuam te hin ngai ah nei in i la kithada san mai mai kha pal awm?

(Zia Article hi Agape May, 2018 Issue apat lak sawn a hi. -Ed.)



THAGAU THIANGTHO : MAPUITU

“Banghilehle, ama Thagau thutak chu a hung tun tak leh, thutak zosia'n hun pui lût intin, ama phuak kawm in thu gen pa'n tin, a het tapote chu gen intin, thil hung tung dingte chu hun hiatsak in a.” (Johan 16:13)

Khristiante zosia hin nisînin Thagau Thiangtho puihuaina i mamaw chiat u'i. Aziak chu :

1. *Ngaituana puihuaitu a hi*

Paul chun “ ... thil phazaw him him...ziate chu ngaituau in” (Phil 4:8) a tia. Gingtu tamtakte'n a ngaituanteu' hi Thagau Thiangtho a kipuihuaisak nuam puau ah. A lungthim uh a thiangtho lo leh a phalo lam thil te'n a lua dim ziak in. Suangtuana phalote chu a pha lam chuleh a thianglote a thiangtho in theng tha hitiu. Thagau Thiangthoin ziate chu bawl thei dingin ei panpi ngei ding a hi.

2. *Mutheina puihuaitu a hi*

“I ginnau siampa leh subukimpa, Jesu lam en zing hitiu” (Heb 12:2). Gingtu khenkhatte'n thilpha lam sangin aphalo lam a en sek ua. Mi phatlonah leh lawsapna haw a mu thei ten u'i. Gitlonah leh sualna i khawtang un mu ding a tam ma ah. Thilpha lam ngaituatute chun thagau Thiangthoin a puihuai sek a hi.

3. *Hiatna puihuaitu a hi*

“La bil uh dawu inla...la dam theina ding un ngai un” (Isai 55:3). Pau phalo, zamaw thu leh kidawichaktuana thute

hin tulai khawvel hi a lua nasa ma ma ta. Pathian thutak lam nga ah a bil dawte haw chu ziate haw hialo dingin Thagau Thaingthoin a puihuai sek a hi.

4. *Pau daw ding dan puihuaitu a hi*

“*A gen ding chu nang uh hilo in, la Pau thagau in gensak zaw ding a hi*” (Matthai 10:20). Khristian zosia’n thu phalo leh mi ngaida ding thu i gendaw lona ding ua lei hi chintup ding a hi. Zia ding ah chun Thagau Thiangtho ki puihuaisak ding a hi. Chutileh, a hun leh mun zila thu gendaw dingte ei kawkmu thei ding a hi.

5. *Sepna ah ei puihuaitu a hi*

“... *Kumtuang ah um zing ding an chu hawl in sêmgim zawu in*” (Johan 6:20). A sing-a sang ah sim mi tamktak mani masial ziakin a sep ding uh hingal, Pathian nasep ngaisak lo in a um ua. I thil hi zosiau ah Pathian hi akhatna lua sak ding a hi. I sepna leh i sepna ding ua hin Thagau Thiangtho kipuihuaisak a ngai tak zet a hi.

6. *Lam chiana puihuaitu a hi*

“*Ziaziakchun, Khrista Jesu Lalpa la la pawm tak gual un ama lampi ah chun kalsuan in*” (Kol. 2:6). Khawvel nawpchennate, leh duamnate del in gingtu tamtak mun dik loin a pet mang zo tau ah. Lampi dik I haw kit theina un Thagua Thiangtho puihuiana i dawt ding uh a hi. Aamah tawh iki itawn phawt ua a hi chun i chiana lam zosiau ah ama’n kumtuang dai ding kipakna dik leh bukim leh lungawina bukim mu thei dingin ei panpi ngei ding a hi.

Lalpan Hinna Vâk simtute zosia malzawl ta hen.

Kochuam sung ah migenthei leh haksate’n ngaisak a law u’i ti a hiat sak a, Kochuam ah thangam takin neitu hina a chan sak hi. Anchangham VIP chu migenthei te a hi’u.

Anchangham ah nasepna pawimaw zia, a lul zia leh malzawl na a dawn zia i taklat tak gual hin, Lalpan a malzawl ngei hi ti a tak ah mutu khat ka hi.

November Ni 14, 2014 khan Phnom Penh Christian Forum guanggalna in, mani keng ah ding/kitodel Kochuam din chungchang ah seminarna chial ka hi mai a. Cambodia gama Western missionaries, Eastern Missionaries, Christian NGO puitute leh tual sung Kochuam puitu mi 120 set ka chia khawm ua. Zia hun ah Speaker Jean Johnson, World Mission Associates lam ah Executive Programme Director chun paper pha tak a

present a. A paper a chun Mizo Kochuamte gual ah, mani keng a ding thei Kochuam phut ding ah chona a taklang tungtawn a. Central Kohhran Nuhmei Pawl Buhfaitham doumentary kha Cambodia pau ah kilet a sua bawk a. Kei Mizo a la um sun chu ei din sak a, khut a beng puak dap dap mai u hi. Mizo hi a nawp ni pen hi din ka gingcha’i. Khawvel hiat ah Mission lam a nutsia nei thei khawp ah Lal nasemtu nam changkang i hi’u ti Anchangham chanchin apat a hiat ua chun lopi a sa thei ma mau hi.

Cambodia gam a hin Anchangham ah Lal nasepna thei dan dan in Mizo missionaryte hin ka gen sek u’i. Mi khenkhat chun Internet lam a patin Anchangham nasepna chung chang a la melhiat ta le a um u’i. Pastor khenkhat chun a Kochuam ua chiapi pan le a um tau a, himaleh

hi Numei nuainung zawten bul a la pan ua, haksatna leh musitna tam tak a la thuak nasa ma ma'u hi. Tuni chan hin mi khenkhat chun Lal nasepna mutawmum tak a gen tak ua leh tekakna in a mang sek u'i. "Numeite hin chu thil dang dang buaipi loin Anchangham hi buaipi le'u a hun tawk hi" ti nuam pawl le a um u'i. Zia hin Anchangham ah nasepna hi mutawm um tak a hi ti a lat sak hi. A buaipitute, a lakhawmtute, a thawkhawmtute, a chawtu tiangin thil le'u hin, necktie awk a suit ak a um lo khawp mai u'i. Lal nasepna tawm tak a hi dan mu thei mai a hi.

6. Anchangham ah Lal nasepna hin Khawvel a thawn suak hi:

Anchangham nasepna tawm tak mai hin Khawvel a thawn suak mai a hi! Anchangham nasepna hung kipat dante, sum nâk pawimaw a hung tâk dante, sungkuan tin huap

suak a hi dante, kum khat sung ah kithawkhawm a tam tak dante hi khawvel ngainawp a hung ting ta a hi. Central Kohhran Hmeichhiaten Anchangham documentary flim a siam uh kha You Tube ah mu thei a hia, min a ngailul ma ma'u a hi. Khawvel Mission chanchin zilmi ten a ngailul ma mau ah, khawvel ah Lal nasepna lopi tak tak ten Anchangham chanchin hi mite tilna'n a mang tam ma ma'u hi.

7. **Anchangham ah Lal nasepna hin Kochuam ah mi haksa diak te le a huap hi:** Anchangham nasepna hin Kochuam sung a genthei leh haksa diakte ngaituana in Kochuam lungthim a neisak hi. Anchangham zawkna ding ngaitua laiin a sum muna ding lam bep ngaitua sangin Kochuam ah haksa diakte dinmun ngaituana'n lungthim a luadim zaw sek a hi. Anchangham nasepna hin

MPCS MANIPUR AREA

Rev. C. Zoramawia
Administrative Secretary



1. Sum din mun:

April tha (₹ 28,81,344) i piak siang un May tha i thawlawm uh ₹ 10,54,065 i piak uh a tam zaw. Kochuamte'n thilpiak lamin ma i sawn zêl ua lungdam a um ma hi. May 2018 tha Pathian Gam Thilpiak hung lut dan chu ziagual hi a hi.

a) Pathian Gam Thilpiak Report (April 2018):

Sl. No.	Budget Head	2018-2019 Budget	May 2018 Receipt
1)	Pathian Gam	1,80,00,000	22,29,232
2)	Anchangham	27,00,000	3,20,694
3)	Gamthak	98,40,000	12,38,406
4)	Semtun Chawpna	12,00,000	1,16,592
5)	Sacrament	1,50,000	21,935
6)	Sunday School	72,000	7,500
7)	Kichenna	8,000	750
8)	Damdawi In	30,000	300
	Total	3,20,00,000	39,35,411

b) Pastor Bial chuam chuam Pathian Gam sunlut dan: (May, 2018)

Sl.no	Bial	April 2018	May 2018	Thelut zat
1.	Lamka	4,36,337	7,07,741	02
2.	Imphal	4,71,705	6,19,535	02

3. D. Phailian	4,54,038	5,77,084	02
4. New Lamka	3,71,738	4,62,157	02
5. Kangvai	2,05,200	3,16,196	02
6. Sugnu	1,66,408	2,20,598	02
7. Mata	2,15,341	2,17,201	02
8. S. Kawtlian	1,23,108	1,70,125	02
9. Delhi Kochuam	92,554	83,962	02
10. Panglian	33,393	83,174	02
11. Leijangphai	-	81,584	01
12. Munpi	46,447	66,451	02
13. Leilon	52,012	64,535	02
14. Sharonphai	40,325	53,982	02
15. Phaipheng	27,387	27,386	02
16. Phailianbung	24,899	10,145	02
17. Dumlian	21,402	35,220	02
18. D. Khawzim	17,821	34,355	02
19. Kawlhen	19,984	27,415	02
20. Jiribam	19,430	15,810	02
21. B. Phainuam	12,895	15,190	02
22. Tungkyaw	12,500	12,000	02
23. Nanphalong	6,500	5,500	02
24. Chingmei	6,620	4,865	02
25. Kalaymyo	<u>3,300</u>	3,200	02
Total	28,81,344	39,35,409	

a hi: Sungkuan tin huap, sungkuan tinte kisuangla kei lo a i pan thei nau, genthei pen sungkuan te le ngam tak ah a pan suak theina'u chu Anchangham ah nasepna hi a hi. Anchangham a nasepna ah pang ding chun anchangham a ngai a, sungkuan tinin anchang i nei chiat ua, i nei zat uh a kibanglo a hi mai hi. Zia hi kisuangla keilo ah sungkuan tin te pan theina a hi ziakin Lal nasepna malzawl na dawng tak a hung hita a hi.

3. Anchangham ah Lal nasepna hi Pathian â ding ah bang a hem bêk sep nawpna lungthim apat ah hung piang a hi: Anchangham ngaitua dawktute khan Pathian â dingin sum leh pai etla kham thaw ding a nei pua'u ti a kihiat ua, himaleh Lalpa â dingin bang a hem bêk bawl a ngai hi a ti'u a, a nei pen uh, anchangham ah kawikhawm ding chu a vaisawm ta mai uh a hi. Pathian apat a malsawmna

dawn ding gua ah pia/ham le a um thei in au. Himaleh, Pathian â dinga bang a hem bawl nawpna lungthim a nei uh hi ngaisan a um ma ma hi. Pathian in a pawm ah mal a zawl hi ti Anchangham nasepna apat hin i mu thei hi.

4. Anchangham ah Lal nasepna hi Kochuamte nasepna ding ah nâk pawimaw a hi: Anchangham ah nasepna hi atil apat Kochuam Numeite'n a chiapi'u himaleh, Synod pumpi suling khawpin a phachuam a, Synod hin Lal nasepna bak pawimawin a ngai a, Anchangham nasepna hin Synod laimugil tak a khawi pha a hi. Anchangham nasepna hi tawp thut bang hitaleh chu Synod nasepna hi nasa takin sukha ding a hi. Zia hin Synod laimugil a khawi khak dan a kichian ma ma hi.

5. Anchangham hi Lal nasepna mutâwm um tak a hi: Anchangham nasepna

ANCHANGHAM AH LAL NASEPNA HI

Pastor Sairengpuia Sailo

Anchangham ah nasepna hi Pathianin lawk takin a mang a, Lal nasepna tawm tak leh nuainung tak gualin lang maleh lopi takin ga a sua zêl hi. Suangkuan tin ten tawm cha cha ah i thaw khawm uh kha Lal nasepna pawimaw tak a leh umzia nei tak a hung chang ta a hi. I Kochuam uh sum muna nak det leh linglo, Kochuam subuldettu matchak pawimaw tak a hung chang ta a hi. I Kochuam Anchangham ah Lal nasepna hi khawvel hiatin Lalpan a chawisang pan ta. Zia nasepna hi nam changkang zaw ten le lopi a sa ma ma' u a, a gen nasa ma ma tau hi. Anchangham nasepna lulna, a pawimawna leh masawna nasa tak a um thei zia hi lampi chuam chuam in gen thei in a.

1. Anchangham nasepna hi Mizo nam zia tawh kimil a hi: Khawvel ah nam chuam chuam te hin nam zia i nei chiat ua, himaleh ziate chu a kibang lo thei khawp mai hi. Chin dan, du dan, ngaisan lam, lopi i sak uh leh i thillul a i ngai teu hi a kibanglo thei ma ma hi. Asia gam ah nam chuam chuamte hi a hawn/ pun ah semkhawm chi i tangpi' u a. Khawthanglam mite (westerners) a hi' u leh vang chu a mau leh a mau ah

kingaitua a, mani leh mani kisaifel leh mal chia deu a hi tangpi' u hi. Anchangham hi a pun ah pan khawmna, sep khawm ngei ngei ngai, mani bep ah chiapi chun umzia neilo a hi. Anchangham hi, "Sep khawm dan zia" tawh a kimil ma ma zia kin Lal nasepna masawn tak a hung hi ta a hi.

2. Anchangham ah Lal nasepna hi sungkuan tin in ngam tak a i pan thei na' u

2. Rostad Memorial High School (RMHS) H.S.L.C. Result 2018 : RMHS in kum 2018 Manipur Board nuai ah H.S.L.C. Exam chu a bawl hawi ma ma a, kipak a um tak zet hi. A result chu ziagual hi a hi:

	2017	2018
1) Exam zat	----- 22	29
2) Pass zat	----- 20	24
3) 1 st Division zat	----- 04	06
4) 2 nd Division zat	----- 16	18
5) 3 rd Division zat	----- X	X
6) Letter Marks mu zat (MIL)	----- 14	21
7) Failed zat	----- 01	1
8) Compartmental mu zat	----- 01	05
9) Pass Percentage	----- 90.9%	82.75%
10) CCpur Dist. School position	----- 8 th	15 th

3. Manipur Area Music Trainer's Training

Manipur Area Music Festival October 26-28, 2018 sungah matna dingah kisingsak lawkna'n **Music Trainer's Training** chu May 22-24, 2018 sungin Rev. Thangkai & Lungpau Hall, Manipur Area Office munah lawk takin zaw a hi ta'i. Instructor-te chu- Rev. C. Lalrinliana i/c Leijangphai Pastor Bial, Upa Lalthuoisang, Tual Upa Genlalian leh Tv. Luanmuanthang-te ahiu. Zia training ahin Khristian La Bu apat La 20 teldawk bikte zilkhawm a hi. Pastor Bial chuam chuam apatin mi 42 a hung pang thei u'i.

MITE ETTAWN THEI DINGIN

I Timothy 4:12

*Rev. N. Khanpau
Jubilee Kochuam*

Sawlchak Paul in Timothy kiangah lekha a thawt lai ahin, Timothy hi kum 30 vel dinga gingchak a hi. Mihing hât hun lai tak a hi ziak in gal do thei ta ti a hi. Timothy mawpuakna hi gingtute zil til leh thu piak a hi ziaikin, ama dodal leh gensetu um ngei ding ah gingchak a hi. Kum lam in naupang n alai ma ma ahi ziaikin ngaidan chuam deu a chun Timothy hi naupang ahi ta puai ti mai thei a hi. Ahinla Greek te chun a kum lama naupang deu te chu angai nep ma ma sek ua mi a kum a tawm deu chun a law a law daw a ngai hi ati sek uh ahi. Timothy hun lai ahin a dinmun tuk gual din mun sang leh pawimaw hi kum lama naupang ten a tu ngai him him lo uh a hi.

1. THUGEN LAM LEH PAUDAN LAMA

Paul in thugen a ti hi pulpit ah thugen bep ahi pua, nisîn ah mi tawh kihona leh pau dan a alian a neu, a zawng a hat, lekha thiam leh thiamlo te a hi zaw a hi. I kama thupawt hi ilungthima umte atâk lang sek zaw a hi. Ziaziakchun Paul in Timothy hi apau dana mi ettawn tak hi dingin a daw a hi. Pathian

mi chu akama pat thusia leh thupha lo a pawt ding a hi pua'i. Thu phalo him him a kama pat pawt ding a hi pua, akul dan dungzui a siampha dingin thu pha cha cha a pawt zaw ding a hi. Gingtute kam suak chu lungsiatna pang, chi guala al ahi ding ahi. Gingtu kam suak leh thugen hin mi lungthim a suk liam a puk khawlawna amat ua chun khawk tak a hi ding a hi. Ziaziakchun ki ngaitua ah

hepi kha 'Agape love' tawh kibang lo hial a hi. Ziagual hepina chu a nawp ah nawp a hi.

A chutileh, tuhin *Question* chu *Answer* ta'i tiu. Midangte la hepi em? Aziak a um em? Bang chu hitaleh le la hepi diam? Mi la hepina achun a ziak la kaw sek em? Min banghem khat hun bawl phawt henla ki hepi leh la ti sek em? Khristian gual in hinkhua ka mang em?

Question 5: Khristian ka hi ti hih ka kihichian em? (I John 5:11-13)

Kihichianna hi khawitaka hung kipan a hi em? Chapa Jesu Khrista neina kipat kihichianna hung um sek a hi. Jesu Khrista i taksan ua i Lal leh Hukdampa ngei ah ikisan u chun ama neite ihitau hi. Kuale Chapa nei taphawt chun hinna a nei ui. Jesu Khrista i taksan tak tak u chun hukdam ihu leh kumtuang hinna nei ihi dan uh kihichianna nei di ihu.

Ahileh, tuhin *Question* chu *Answer* ta'i tiu. Jesu Khrista chu la Lal leh Hukdampa ding in la kisan ta em? La kisan tâk ahi chun Khristian la hi ti chu kihichian la hi ta'i. Jesu Khrista la Lal leh Hukdampa ding ah kisan nailo la hi chun Khristian la hina kihichian nailo la hi.

Unaute haw, nang leh nang la ki exam em? la examna a chun la pass em? Tuni hin la examna kipat la hiatchianlo leh la bawl lo la kihiatdaw a um em? Kingaitua thak kit inla Sawlchak Paul in, '*Amu zo ta ka kiti pua'n, bukim ta le ka kiti diak pua'i; Khrista Jesu ah van lam ah Pathian kona sang tak kipakman chu mu dingin kung lam chu ka del ham ham hi (Phil. 3:12,14)*' a ti gual in kipan thak in kipakman chu mu dingin kung lam chu del gua ham ham hitiu.

Ahileh, tun Question chu Answer gua ta'i tiu. La hinkhua chu mang Dik in la ki hia em? La hinkhua thil phalo hung chute chu la nusia kha tam? La hinkhua chun gitlona a pua em? Pathian thu dungzui ah dik lasak lo te vak ngaitua inla; la hinna a bek nalai em or la zui nalai em? vak kigêl tia. La Khristian hina hi la puadawk tak tak na em?

Question 4: Khristian dik tak gual in mi ka hepi em? (I John 4:7-8)

Khristian gual ah hepi ti hi bang genna ahem? Zia hepina hi Grik ah 'Agape' ahia; zia chu Pathian gual ah hepi di – ei hepi thuk leh thuk lo khawksa lo di, tina ahi. Agape hepina hi a ziak bei hepina – unconditional love a hi.

Mi hepina ding ahin option 2 a um hi. Zia option 2te chun 'Khristian hepina' la nei leh neilo hun hilchian ma ma di a hi.

Option 1: Aziak bei hepina – Mi aziak bei ah hepina chu Pathian hepina i tuakhiatna leh i hiatchianna ziak bep ah hung um thei a hi. Zia hepina chu 'Ei un i hepi lo lai unle Pathian in ei hepiu' ti hiagil te chau in a nei thei sek ui. Zia gual hepina lamdang leh mak tak hi mang ah '*midangte hepi*' ding in Pathian in ei phût ui. Mite'n ei haw'n, ei hepi loin, ei engbawl in ei sugenthei maleu le hepi ding in Lalpa'n ei chial u'i. La melmateu hepi un, a hun sugentheite chu malzawl un, hansia law ki un ti ahi (Rom 12:14).

Option 2: Aziak um ah hepina – Aziak um ah hepina hi kihabawl ngai kei lo a hi. Mi umdân i vak ngaichâng a, ei hepi chun hepi mai hi a nawp ma ma hi. Ahiloleh, a vak en a; i dawî lam a bawl em, i dawî gual in a kivan em, pha isak thil a bawl em, i ngaitua dan a kibang em, i nek a kibang em? tite vak kanchian phawt ah midang

ki lung gel a mite ettawn tâk dingin thugen leh pau dan ah ki ven ding a hi.

2. TAWIDAN LEH HINDAN LAMA

Paul in Timothi hi a tawi dan leh a hindan ah mite ettawn tak hi ding in a dawî ma ma hi. Gingtu khenkhat hi a tawi dan leh a hindan kihe pha kêilo ah a nawp dan dan ah pau ziang le a um sek u'i, min ate dan uh a hiat lo ziak uh ahi. Bible a chun 'la umdan uh le Khrista chanchinpha kilawm phawt ta hen' atia. Miten ei et phat ua leh itawi dan leh i hindan hi Khrista chanchinpha tawh akilawm na diam? Mi mal ki etchian a kingaitua sek ding hilo ah'em? Gingtu chun ahina khela um a guat lo ding a hi. Gingtu hinkhua ahin hepina, dawtheina, kingaitawmna, taimatna, mite panpi nawpna, zia lungthim Jesu Khrista um kha a nei ngei ding a hi. Zia gual lungthim pute chu mite ettawn tak a hi sek uh a hi.

3. GINNA LAM AH

Lal Jesu ziltina hin ginna hin mun pawimaw tak a lua hi. Ginna hi mihing leh Pathian kikal ah ki unauna leh ki zawpmatna'n amang deu pen hi. Hukdam ah um na ding leh kumtuang hinna neina dinga Jesu ziltina pawimaw tak a ki mu'i. Thudang a chun ginna ti hin Thugin lam akawk pua'i, Ginumna, Ginchakna, detna, ti te akawk zawi. I Korinth 4:1-2 achun Paul in "Keimau hi Khrista nasem leh Pathian thuguk enkawltu gual in ei ngai un, zia enkawltu hina ah hin mi ginum hi a kul hi. Kochuam te hi Khrista nasemtu Pathian thuguk enkawltu miten ei ngai ding uh a hi chun, i ginum, i gintak, idet a pawimaw masa a hi tina a hi.

Ziaziakchun ei haw hi le igin nau ah i det uh em? I nasep nau ahin a teu, i zilnau

ah te leh i sumkawveinate'u ah hin i ginum in i ginchak um nau em? ti te hi iki etchian zing a pawimaw talua a hi. Ginumna leh ginchak ngamna pang lo chun midang te di'n ettawn tak in hing thei ngai lo ding i hi.

4. HEPINA LAM AH

Hepina ti hi Greek pau in *Agape* ti a hia, zia chu Hepina thilphal, mi dangte a dinga luangdaw leh phut hi keilo hial tina a hi. Bible a chun mihingte leh vansawlchakte pau in thu gen maleng, hepina ka neilo chun dak gi ahem, vaikhutbet gi a hem gual bep ka hi a ti zia in hepina nei keilo ah Khristian Hinkhua mat chu ngaitua um tak a hi ding a hi. Pathian i hepina leh mihingte i hepi dan leh thil siam dang zosia le hepi na'n a huap sik sek hi. Bible achun mihing in a gual a pâi a dinga a hinna a piak sanga hepina lian zaw kua man a nei pau'i ati a hi.

Gingtu diktak chun a mihing pite chu Lalpa ah siamthak leh sukhat a hi theina ding un a hun leh tha zosia a seng sek. Bible a chun kihepituana lo chu kua ma bang ma ba ki un, ei ti a hi. Lalpa Jesun ka unaute laka a neupen chung a la hiu kha kei ma chung a hi la hiu ati a hi. Pathian i hepi guala i mihing chanpite chung a hepina suklat chu mi te ettawn tak ihi nau tak lat na a hi.

5. THIANTHONA LAM AH

Paul in Timothi kiana thianthona a gen hi Pawsal leh Numei hina lama thianthona a kaw k chuam deu hi. Timothi, Pathian nasemtu tangval dinga chun pawimaw ten din gingchak a um hi. Pawsal leh Numei na hi Pathian nasemtu din thepna lianpen leh setan inle matchaka amat thupi pen a hi him a hi. Tun ah ka gen nawp dan chu Pathian

tai tiu. Pathian in a gente la bawl sek em? Kipak takin Pathian Lalna ah um ding in la hinkhua chu la kipia ta em? La hinkhua leh nangma lunggel bep pha kisa hinkhua mang nalai la hi em? La hinkhua Pathian in a pui di la ki phal tam? Khristian thuawina chu ka nei na em? kiexam in.

Question 3: Khristian hina hi ka puangdawk zo em? (I John 3:7-10)

Gitlo chanchin chawmcha'n vak gen hitiu. Mi khenkhat chun Khristiante hi gitlona ngaitua talo leh gilo ta lo ding ah gel le a um hi. Himaleh, 1 John 1:8 chun '*Gitlona kanei pua'i ti taleu hin, eima leh eima kithêm i hi'n, thutak chu eimau ah umlo ahi*' a ti. Bible thu hi a kichianlo a hen leh? Gitlo (3:6) kiti hi gitlo kibawl zawngsak pen a genna a hi. Thil zosia a phalo lam ah ngaituana, hawtna leh lau um lam bep ah i gel zing gitlona kha a hi.

Khristian hina i hinna ngei ah puakdawna ding a chun *option 2* a ngai hi.

Option 1: Mi dik – Dikna kiti chu Pathian tawh dingkhawm/thil diklo bawl lo tina a hi. Pathian mâ mi dik hina ding a chun "*A chapa i Lal leh Hukdampa ding ah kisan*" hi ahi. Jesu Khrista leh Thagau Thiangtho thilhitheina zal chau ah Dik taka hing thei i hiu. Pathian chenna i hiu chun gitlo bawl ta pua'i tiu. Jesu Khrista zal chau in "*gitlo bawl ta puang ka*" kiti thei bep ahi. Mi Dik kiti chu gitlona haisan ah Pathian tawh hing te chu a hiu.

Option 2: Mi dik lo – mi dik lo chu gitlona bawl na ah '*ka ut puai*' ti ngailo te; va patep sin ka, zia mai hi bang a sia hem ti hiau te a hiu. Mihingte hin gitlo/thil phalo bawl hi nuam isau a, hai di i ut sek ta puau; nuam i sa den sek tau. I lungthim teu i tâk sak un Pathian Lampi chu hia na sa sa'n i nusia sek uh a hi.

a hi. I hinkhua mat dân ua Jesu Khrista kilang dawk zo lo ahi chun Thim laka um leh khawsa nalai i hiu.

Ahileh, tuhin

Question No.1: chu answer tai tiu. La hinkhua mat dân achun Pathian umpina vâk chu a kilang dawk na'm? Ahiloleh, Thim laka um khawvel mite gual ah a gûk ah ut dân dân ah hinkhua mang nalai la hi em? kikhual in.

Question 2: Khristian khat kahina gual takin Pathian thu ka awi em? Obedience kiti chu bawl ding ah kigente thanuam tak leh ginum taka bawl ham ham guat chu a hi. Khristian thuâwina chu Pathian in ei hilte bawl zêl chu a hi. Pathian in bawl di ati pakhat chu a thu zawp ding hi a hi. Khristian gual in thu la zâwm em?

I John 2:3-6 sim hitiu. A thu zâwm i hi/i hi lo hilchianna ding in option 2 a um hi.

Option 1: A Thu zâwm - Pathian thu zawm kiti chu 'bawl di' leh 'bawl lo di' te hiazing a, bawl dite hawi taka bawl a; bawl lodite bawl lo chu a hi mai hi. Bukim di tina ahi pua, Pathian thu awi ding ah kigua him him di i hiu. Pathian suk kipakna ding ah 'a dawigual bawl' hidi chu a pawimaw ma ma hi. Pathian i hepiu chun i hinkhuau ahin ama i suk kipak ding uh a hi. Khristian dik tak chun Van Pathian thu awi ding a tup tin ten sek u'i (c3).

Option 2: A Thu zâwm lo (c4) - Thu zawplona hi lungthim buai ziaka kipan a hia; taksa utna leh nawpchêtna in i lungthim a lua dim a, ei zaw tâk zia ahi sek hi. I lungthim ua hin Pathian Lalchutpha i kawi ut puau a, ei ma leh eima i thu thu'n i um sek ua, Pathian kiangin i kipia ut sek ta puau hi.

Ahileh, tuhin
Question chu Answer gua

THUKHAKNA

Midangte a dinga ettawn tak a ihindan mu ding hi Kochuam huangsung bep a hi lo a hi. Inkuan apat apawimaw a, khawtang khawsak khawmna lama le mi ettawn hi a ngai hi. A chung a i gente ahin midangte a dinga ettawn tak ihi chun Mathai 5:16 ah imu gual un, La vak chu mite mitmu in vak intin, la thilhi phat te chu miten amu hun a chun la pau vana um chu chawihawi in um intin, Khrista leh a chanchinpha le chawihawi in um in a, mi tamtak Khrista vaka puilut thei hi ding a hi. Midangte a dinga ettawn tak hinkhua inei chiat thei na ding un Lalpa'n a thu malsawm ta hen. AMEN.

nasemtute hi zia a chung a kigen ti lo ahin thianthona ding tampi um ngei dingin ginchak a um hi. Bible achun Thingkung chu a bul a phat a hi leh a ga le apha'i ti a hi zia in Pathian nasem tute a dinga ngaitua thak kit dingah pha chu nek leh dawn chep leh muam ahin vangam kailona ding a um diak lo maithei. Himaleh, Khrista hinna dik tak neite dingin akilawm diam ngaitua um tak a hi. I Kochuam etkawlte a dingin ettawn tâk ihi na diam? A chuanga i gen taksa gualin Pau leh ham dan, hindan, tawidan, mi ihepi dan bep hilo in, nek leh dawn, chep leh muam hi mipi vantang in bawl ta leu le akhawk pua'i tina vang a hi diak pua hen, Pathian thugentute leh Khrist ah hinna diktak te bawl dingin vang a kilawm zo lo deu abang hi. Kingaitua inla nangma bawl gual gual chu Kochuam leh mipi la etkawlte a dinga hin ettawn tak la ting zo na diam? Kingaitua thak zingin.

GALKHAT LAM IN KAI HITIU

Mark 4: 35

Rev. H. Paukhawkai
Shillong, Meghalaya

Zia ni ma chun, nitak lam ahi in a nungzuite kiang in, “Gal khat lam in kai hitiu”, atia.

Gingtute hin, mimal, inkuan, kochuam leh khawmpi hin galkhat lam kaina ding ma ban i nei chiat u’i. Himaleh, galkhat lam tun masang in, haksatna tam tak tuak ding a um sek hi. Ahiziak in lah, galkhat lam ahin Pathian in a sep nawp leh pawimawna bei in, galkhat lam kai ding in ei kawkmun gai lo a hi. I khawmpi chung chang in le beidonna, haksatna, buaina namen lo i tuak ua, i buai lai tak vel ua khan Khristian lungthim le pu zo ta lo hileu hin kilawm hial hial in, a kua a kua le i um mai uh hi’n akilang hi. Kua ziaka zia gual haksatna chu tuak ihiu em ti chu gen le ngai puan tin, Schopencer chun,” Lungkhamna leh beidawanna no dawm kha ngai lo chun, khuaizu thum tak dawn ding le kinep se se da hen,” ti leh, “Thawkna kipatna chu lopina akipatna a hi’n, thawkna him him lopina lut lo khat chale a um ngai puai,” a la ti a hi. Edwin Rowlands chunle, Thawkna chu hepina thilpiak a hi,” ala tia, William Carey chun, “Thawkna kiti chu malzawl na kiselgu a hi,” a la ti a hi.

Tulai in, a thak thak ah lamkal in haksatna tam tak ka ngaituana hung lut sek chu; ituak chu a phal hi ti vang a i khawmpi’n buaina haksatna kichian ma ma hi. Himaleh, ila thawk dan teu ka geldawk galkhat i kai masang ziang thak kit kit sek hi. Pathian in le, Pathian in thil lopi tak in galkhat lam kaina ding in. tak te ei bawl piak kawm in

thu ma’ thiamlo chang di la hi. Zia kietchianna exam chu Mathematics, History, English, Hindi, Geography, Science leh Philosophy lam a hi puai. Lalpa Pathian la GINNA leh la HEPINA chu a hi la kietchian di chuh. Jesu Khrista nangma ah a um nam? Ginna diktak thatnawppi kham la nei nam? Ti chau chu ahi la kiexamna di chuh. Ginna la nei leh neilo a mark la kipiakna ding a chun Answer Key hiat a ngai hi.

I John 1:5-7 i sim chun Question panga a um hi. Ziachu kuama â ding ah bawl piak theilo eima ngei in kibawl chiat ding mark le eima ngei in kipiak di a hi. Zia Examna Question panga ah passte chun Hukdam kihatchianna chang in tin u; Pathian gam lopi tak chu lua ding ah Lalpa’n a vansawlchâkte hun sawl in ei hung puito sak ding a hi. [Mi tamtak a thikuan ah vansawlchâk ten a hun pui hiat di a um hi]

Question 1: Khristian hin dân in ka hing nam? Khristian um dân, hin dân, thil bawl dân la nei nam? I Bible simnau a chun Answer Key option 2 ei piau hi.

Option 1: Vâk – ah um, vâk ah um gual in la hinkhua la mang em? La hinkhua chu a vâk em? la kiang ah mite’n um nawp a sau em? vâk ah la um chun Pathian dawilam ah hinkhua mang hidi la hi. Pathian chu vâk ahin, vâk ah i um uh chun Pathian tawh kivawp – ama tawh kinai cha um i hiu tina ahia, mite’n Khristian i hiu i hinkhua mat dân ua kipat ei hia ziang di ahiau. Kei Khristian ka hi kiti ziaka Pathian ngai ah kihi ziang diak lo ahi.

Option 2: Thim – Mi zosia’n Khristian iti thei vek ui. Himaleh, a hinkhua mat dân ua kipat chun amau hina dik tak chu hilchian ahi sek hi. Khristian kahi kikit ngal, vâk umlona Thim laka um zing ngal chu mi zuau thei

KHRISTIAN EXAM

(2 Kor. 13:5)

~ Pro. Pastor Ph. Thianneilal
D. Phailian Pastor Bial

Exam la bawl nunungpen chu bang tik a hi tam? Khristian Exam la bawl kha tam? Zia chu bang gual examna a hi em? Question bangzat a hi diam? Bangzat la dawnhu thei diam? Pathianin ama nase mte a ding leh kumtuang Lopina gam ah lopi takah chêng dingte chu zia Khristian Exam pawimaw tak chu bawl chiat ding in a daw hi. A lawtingte (passte) bep chu a tiamna gam lua ding ah a têt ding a hi.

Khenkhat chu zia exam bawl kha nailo le himai thei i hui. Exam â ding ah kiguanggal a haksat zia ahin a peilo, thât dana dim ah ngaisak lo le i hi maithei u'i. Himaleh, Pathian Examna chu a pawimaw ma ma a – nawp ziaka bawl di, da leh hai mai di chi a hi pua'i. Mi zosia hin zia exam chu i bawl ngei ngei ding uh, a lo theilo a hi. Exam him him chu i dinmun, i hina ei hilchiantu leh zilbe ding bang ka nei em ti ei hiltu a hi. Zia Exam chu la pass masia la bawl bawl ziang di a hi. Zia Exam chu lam dang

tak a hi: Examinee – nang; Examiner le nang baw; a school chu la hinkhua hi a hi. Zia exam chu la pass phat leh Lalpa'n a hepité â ding ah a tiam piak Gam chu lua in la tin, School leh examna him him um kit ta puan'a.

2 Kor. 13:5na i sim nau ahin Question i mu'u hi. Zia question chu nang leh nang kienchian- Exam kibawl ding, mark le nang le nang kipia ding in a gen hi. Pathian in eima leh eima kienchian/kipatep din ei daw hi. La thu'n thiam chang ding, la

eipui ah; Khawvel pumpi mel hiat kochuamte bang i hung hi taua, i bial sung, kochuam sung leh mimal mal inle, Pathian malzawl na tam tak i dawng ua; Biakin leh Pastor Quarters pucca building ngen hi ta te ka ngaitua tak leh, gam leh nam kala i gam buai chungchang ua, kichamna suai kai zaw, a zing zing ah kichamna thugen ding ah ei sawl ua khan, Biakin kangyam ta te leh, in leh lo meivam ngen suak ziang ta ka va mu masak pen ni ah, mitthi luang zing kawma kua 20 val lam ka vachawt lai ni teu kha ka gel daw lo thei pua'i. Pathian in gal khat lam ei pui kai ding dan te hi vang, bang gual ah ei pui zel ding ahem ti het hilo maleh, mi mal mal in i ngaitua masak diu vang tam tak um in ka he, i Bible ah ettawn ding i neite ka hun gen nuam hi:

I Lalpau Jesu Galkhat Lam: Jesu khawvel ah a len laiin, damlo te sudam in, ni khat ziang le kichawl man

lo in, khawtin ah mipite panpi in damlo lungngai te leh genthei te panpi in a sem hi. A diak in Galili gama, Kapernaum kua te, Korazin leh Magdala te, Tiberia leh Kana kua te a chawt vel lai in; ni khat chu, nitak lam le a hi ta' a nungzuite kiang in, "Galkhat lam in kai hitiu," a tia, tichun, mipite chu nusia in, a nungzuite tawh Galili dil galkhat lam kai ding in, kuang in a ki tawl tau hi. Himaleh, dil chung ah chun haksatna namenlo atuak ua; Thiguapi hat tak a hang a, Tuifawn in lawngte susia ding in a sep vut vut hi. Chuti lai in, Lawng mei lam ah Jesu chu khapchak khap in a ipmu'. A nunguite chu a lau ma mau ah, Jesu ipmu chu a kaitho ua, Jesu chun Dil chu a vau ah, "Thip un la um hiat hiat un," a tia, thiguapi chu athip dil del ziang tau hi.

Galkhat lam kaina ding ah haksatna i tuak lai in, Jesu kaithaw a ngai chang um sek a hi. I beidawnnate ei

dawn zang thei tu, i kiang ah um zing, thil hitheina bukim nei, Jesu panpitu nai zing chu kaithaw pai sek ding a hi. Jesu ah ki-ngate chu abuai hun un, a buaina zosiau a suk bei piak ah, a nungzuite thi mai ding lauthawng taka um te chule, lungmuang tak in a um u'i ti imuu hi.

Galili Dil Galkhat Lam: Jesu leh a nungzuite chu Galili dil galkhat lam a kai ua, Lawng chung ah a kum leh a kum lo ua hin, Gedarin gam ah a sung ah thitha lut, than ah hung kipan, a min nuai kiti zing khat in ala lamtua ngal hi. Zia pa chun, Jesu chu chibai a buk ah, Jesu kiang in, *“Pathian min in, ei sawisa lo ding in ka dawn la hi,”* ti'n a kengbul ah bawkkhup in a la dawn ngal hi. Himaleh, Jesu chun a pauchapna a lawtin pua, *“Nang thitha buak, ziapa sung ah pat khan hung pawt in,”* ti in a sung ah thithate chu a naw dawkw ngal hi. Thitha matpa hi a pauchap dan le a dik pua, Jesu kiang

in Pathian min in a dawn hi. Bible in, *“La dawn ua, la dawt dik sek lo ziak un la mu puau hi,”* ati chu ama chung ahin a dik a, vawkw sung bek in ei lutsak in ti'n a dawn kita, zia chu vang lawting in vawkw sangni hial sung in a lut tau hi. Jesu chun damlo tam tak te sudam in bangchan ahem a um nung in, gal lelam ah chia kit ding gua'n lawng ah a chut lai un, a sung ah thitha a nawdawkw piakpa kha ahung a, Jesu kiang ah um zing ding a hung dawn ah, himaleh, Jesu'n a phal pua, *“La in ah chia inla, Lalpa'n nang a ding ah thil lopi taka bawl piak hi va gen zaw ta'n,”* atia, tichun a chia kit ah Lalpa'n thil lopi tak a bawl piak dan chu Dekapoli khua te a chun a va gen tai. Dekapoli chu khawpi sawm ti'na ahia, ziate chu: Damascus, Kanatha, Raphana, Hepos, Dion, Gadara, Capitolis, Pela, Gerasa leh Philedelpia te ahi. Zia khawpi sawm te ahin, Jesu'n thil a bawlpiak alopi dan chu a gen vela,

in vang Lalpa Pathian thiltup a supiting a hi. Tuni hin insung nute le kingaitua hi ti'u. Rahab kha vak ngaitua tia, ama zia kin a insung mite leh a nei leh lam zosia hukdaw in a um a hi kha. Zia ban a chun Pathian thutiam numei suan in gul luchang vaw thidup in ah (Genesis 3:15) ala gen numei suan zia chu Jesu hung pianna ding chi suan tun a hung pang hi. Rahab chu Boaz nu a hi. Boaz chu Obed nu a hi. Obed chu David pu a hi. Lal Jesu kha David suan ti a hia, David chapa ti le a hi. Rahab ziak in Pathian lopina i piau a hi.

Nu leh Pa ten Pathian dawi gual sungkuan hi thei ding in pauchapna tawh pan lathak hi tiu. Zia hin chaten le mawpuakna la nei u'i. Nu leh pa ten insung kikhawpna a nei zing lai ua, pang man ngailo a hiloleh pang nuamlo in la um em? Nu le pa ten

Khristian Sungkuan pha din ding ah pan a lak zing lai ua chaten ngaisaklo ah lungthim chaum la put zing uh a hi chun Pathian thiltup sungkuan hukdam himaleh a tinglo um hi tiu. Zia ziak a chun lau hi tiu, a chawl na lutna thutiam um zing ngal in a tinglo um kha tawl hi ti'u (Hebraite 4:1). Zia ziak a chun panpi i ngai hun ua panpina i mu theina ding uh leh inkuan kim ah hukdam i hi theina ding un a zangaina lalchutpha chu hangsan takin bêl hi ti'u.

Lalpan a thu i gen teu sungkuan kim chiat ah hukdam i hi theina ding un malzawl ta hen.

PATHIAN LUNGTHIM/THILTUP SUNGKUAN KIM AH HUKDAM

Upa Gouchindou, New Moreh

“Lalpa’n Noah kiang in nang leh la chanaute zosia lawng ah chun lut un. Nang chu tulai khangthak te lak ah ka mitmu in midik la hi ti ka hun he ta ngal ah.” Genesis 7:1

Sungkuan dintu chu a Pathian a hi zia k a chun inkuan kim a hukdam i hi ding uh chu Pathian thiltup pakhat a hi. Pathian in Lot kiang in, zia khawpi a hin la chanau kinaipi makpate, chapa chanu te leh a dang him him la nei awm? Zia te zosia chu pui dawk sik sek in a tia. Genesis 19:12. Lot kha a chanau kinaipi tiang le Pathian in hukdaw a nuam hi. Nawchizuaknu Rahab kha a inkuanpi te zosia tawh a nei leh lam zosia tawh hukdam in a um ua, zia ni a kipat khan Isreal inkuan te lak in a um den tau (Joshua 6:25).

Lalpa Jesu Khrista ging hukdam i hi ding uh hi a hi. in, tichun hukdam in um in la Zia chu a hi zinglai in Lot tin la inkuanpi te le (Nasepte kha vak ngaitua tia? A chanau 16:31). Pathian thutep nang kinaipi a makpate tiang le haw a ding leh la chanau teu hukdaw ding Pathianin a ti â ding in leh Lalpa Pathian lai in a chanu pani te bep in a kiang ah a ko tapo te tawh hukdaw in a um u’i. â ding a hi ngal a (Nasepte Tuni hin nang insung ah pa la 2:39). Pathian thu i suklat teu hina khawi tak dinmun in la apat hin Pathian lungthim um em? Lot dinmun mawh a chu inkuan kim dial dial ah hiloleh Noah dinmun? Noah

Chanchinpha puangtu lopi tak a hung hi ta a hi.

Zia taka “*Thil lopi tak*” kiti chu Jesu leh a thilbawlte hih a hi. William Carry in Kolkata ah missionary na a sep lai in, a khawte missionary ma Elexander Duff a sepna mun ah chun ava chia ah, William Carry nasepna chu a mu in lopi a sa ma ma ziang ah, “Carry la nasaepna hi a lopi na lawm lawm e,” a ti leh, William Carry chun, “Duff, chutichun ti kin, “Carry, Lalpa chu a lopina lawm lawm e,” ti zaw’n a la ti a hi. Tulai in, Lalpa hi lopina i pia zo tak tak nau em ti hi i sut thak uh pawimaw ma ma hi’n a kilang ta ahi. Biakin sung ah ikimat dan ziang ua hinle, Kochuamte Lu pen leh Lalpen, i Lalpau Jesu sang ah lopina chan zawk nuam, eimau kipakchatna, kichawihawina, a hipen, a thiam pen ka hi ti, min ei he leu ti nawpna zia k mai ah thugen le i tam deu deu uh a bang ta, a lopi pen leh pakchat

ding pen chu ei Hukdampa Jesu hih a hi. Biakin sung ah kimatna programme him him ah chun, Jesu chu a lopi pen chawisan pen ding Pathian lopina ding bep a hi zing ding a hi. Jesu lopina lia thei ding ah eimau lopina, hiatna, thiamna suklatna nawpna mai ah imat khak ding uh le thil lau um tak a hi, ti te hi ki-etchian thak zêl a pawimaw hi. Ziate sang ah chu kochuamte phatchuampi ding, khantopi ding lam ngaitua zawk ding a hi dan hi I tup pen a hi zawk ding a hi. Tulai in Pathian thugen ten le internet te kipat ah Bible chang hilchianna te i mang thei taua, masawna khat a hi zia kin, kipak um ma ma a hi. Ahi’nla, zia ahinle pilvan ma ma na ding tam tak a um hi. Thu ngaithatu ten le thagau lam an bangma tawh hel lo, hinna chawm ah thu ngai thak i zil zel uh hi apawimaw ma ma hi. Thugentu minthang Spurgion thugen chu mi pani’n angai thau in, khat chun, “Thugenpa chu

a thiam na lawm lawm e,” atí’ n, a khat zawk chun, “Ka Hukdampa Jesu hepina chu a lopi na lawm lawm e! atii, a ti gual ua, thugen ngaithatute nakhang hile thagau lam nakhang ah ngai thaka; Jesu’ n ei hepina ah a nasep a lopi dan tak hi, mulet zing kawm ah thu ngaithak hi, thagau lam khantona pawimaw ma ma a hi.

Mosi Galkhat lam: Mosi’ n, Israelte Aigupta ah Pharaoh nuai ah pat a pui daw lai ah khan, Tuipisan a kannau, Exo.14:na’ n i muu hi. Israelte chu a sun leh zan ah a chia zêl theina ding un, Pathian in sun ah sum ding leh zân ah mei in amau apui piak hi, himaleh, sawt le chia man nai lo in, Tuipisan a kan uh angai ta. Migdol leh tuipi kikal, Baalzephone mun tuipi pam in a giak tau hi. Tuipisan galkhat lam akai tei uh chu ngai a maban uh ahia, Pathian in Pharaoh lungthim ahun sukhou ah; Israelte a pawt sak

mai kha ahung kisik phuta, sakawl kangtalai in a sepaite a del zui sak kit ta. Israelte a ding ah chun, anung lam un Pharaoh sepaite ahun del zui ua, ama lam ua chun tuipisan dum diai duai mai, mihing hatna kan zaw ding gual hi lo a um ah, a bei uh a dawng ma ma tau hi. Israelte chu Mosi chung in ahung phun ua, “*Aigupta gam ah khan thanmun ding a um pua ahem? Bang ding ah zia taka hih a thigam ding ah lei puidawk mawng mawng a hem? Thalek gam thipa thi’ gam sang in, Aigupta te suak ah um den mai chule kei uh a ding ah pha zaw hilo ahem?*” ti in a phun tau hi. Zia gual lawm lawm ah Israelte a phun ua, Mosi a awimaw hi a puitu’ u Mosi a ding ah hin le na ma ma chu hi ding a hi. Exo. 14:15na hin Mosi le kap hiala beidawng hi’ n a kilang hi. Pathian in, “*Mosi bang ding ah kap la hem? Israelte ma lam zuan ah chia zel ding in hil in,*” a ti hialna I muu hi.

in la, nang tawh la chanaute tawh,” a tiu a, chutichun a inkuan un a hung piangthak tau hi.

Paulah galkhat lam ah thagau mangthai ten ala ngak lel ma ma gual un, eimau le thagau mangthaiten ngak la ma ma in ei ngak ua, kisiak taka sep ding chu i gal khat lam na pawimaw lopi tak chu a hi.

Dan lekhabu 1: 1-8na lam ah chun, Pathian in Mosi kiang in, “*Zia tang hin la um sawt ta lua tau, kichawn unla, la mau in gam chu ka ka kawi piak la hiu,*” ala tia. A umnau Horeb tang chu Pathian umna ti himaleh, kichawn zêl ding in Pathian in a phut hi. Zia gual ah chun, Pathian in gingtute hi masawn zêl ding in ei dawih; galkhat lam kai ah, na tam tak sem ding in ei dawih. I khawmpi chia zêl dan inle, masawn zêl ah galkhat lam, Synod ah din ding ti thute

a chia to zela, kipak um tak a hi. Prebyterian Kochuam Mizoram Synod zawm ding ah ibulpat lai unle, piting zêl ah Synod ah ding thei ngal ding in ei kawm muu kha ahia, zia chu Pathian in ei puina leh lawtinna lopi tak ichan to zel nau chu a hi. Synod ah dinna ding ahin thil tam taka ikisak lawk uh ngai a hi tivang i hiachiat ua, setan in chu, mimal lawkna leh dinmun sang zaw, mani makhua ding bep khualna ei kawkmui thei ah, himaleh, Pathian in vang ama lopina ding ah na tam tak sêm dawm ah, dinmun phazaw ei langkai nuam a hi tichu hiamil puai tiu. Pathian in galkhat lam ah malzawlina tam tak dawng ding in ei pui zêl ta hen.

Missionary khualzin niveina hin, Phurgia leh Galatia gam vel ah chanchinpha gen in a vak vela, Traos khua vang ahin zana thu agen sawt ziakin, Eutuk tangval chu in sawng in a vuangtha hiala, a sudam kit hi. Himaleh, ama galkhat lam hi, “*Mekedonia lama hung kai inla, ei hung panpi in,*” in ti’n kona a mu. Zia lam ah chun a chia ngal hi.

Mekedonia glam ah khawpi lian pen Phillipi khua ava tung hi. Zia taka chun Thuatira khua puansandup zuak Ludia kiti a uma, ama chu Paul thugenna pat chun Pathian in alungthim a hawn piak ta, a in ah tung ding in ala chial ah, a inkuan un baptisma aching ui ti i muu hi.

Nikhat chu pauchapna mun lama a chiau leh, nungak khat thitha zawl a um ah, ama chu aisan ziaka a pu sum tam tak tak mu piak sek ahia, ama

chun Paula leh Sila chu a zui ah, “*Ziate hi chungnung pen Pathian naseunte ahiu,*” ti’n a nung uh zui in a kiko pek hi. Paul chun a sung ah thitha chu a naw dawk leh a pu summuna chu abei ta, tichun Paul leh Sila chu suang kul in a khum tau hi.

Himaleh suang kul ah chun le Pathian chawihawi in la a sa’n kipak tak in apauchap ua leh, a kawlbun hung kitham in, kawtkhakte ahung ki hawnga, suangkul vengpa chule suangkul tangte zosia taidawk zo tan au a ti ziak in kisutlup a hun gua hial ta, himaleh, Paul in, “*Bangma kilaw kin, zia hin ka leng un ka um kim nau hi,*” ti’n ahung kiko ah, zia phat chun, suangkul vengpa chun Paul leh Sila kengbul ah bawkkhup in, “*Pute haw Hukdam a ka um theina ding in bang hem ka bawl ding,*” a hun tia. Amau chun, “*Lalpa Jesu ging in la, hukdam in um*

Pharao sepaite chun, Pi-hahiroth kiang ah Baal Zephon mun in ahun delphana lai ua. Israelte a ding ah chun a nung lam uh leh ama lam uh et in beidawnna ngen ahi ta mai ahi. Gingtute hile zia gual din mun ah i din chang um thei sek a hi. Himaleh, Israelte chu Pathian in Vansawlchak leh sùmding ah a pui kha ahia, Pharaoh sepiaten ahun del phak phat ua khan, Vansawlchak leh sumding kha le anung lam un ahung kichawn ta, a kal un a um ta, a kal un Pathian a pang tai tina a hi. Pharaoh sepaite chun delpha ta maleu bangma alaw thei diak ta puau hi. Mosi kiang in Pathian in thu ahun pia, “*Tuipi chung lam zawn in la khut zak in,*” atia, a vak zak leh Lalpa’n sua lam hui hat tak in a han saka, tuipisan chu bang gual in ahung mut khen a, leihul a hun chansak ta, thamuang tak ah gal kai ding in a chia thei tau hi. Pharaoh sepaiten le tuipisan kanna leihul tiang a khan a delzui pek nalai u’i.

Khua a hung vak ding phat in, Pathian in Mosi kiang in thu a pia kit ah, “*La khut chu tuipi chung lam in zak in,*” atia, avak zak leh, tuipi bang gual ah kikhen chu a hung luang mat kit ta, Israelte chulah a gal kai man taua. Pharaoh sepaite chu a kangtalai uh tawh tuipi chun a hun tawh mang ziang ta, khat chale a suakcha um lo in a thigam suak tau hi. Pathian thil hitheina hi muang ngam phawt le hin, bangma hitheilo um lo ahi ti akichian ma ma hi. Gam Thiangtho zawtna ziktu John Banyan inle, “*Dawt ding ah thiang hileh, thamuanna thupi zaw neina ding in, buaina lian zaw dawn ing ka,*” ala tia. Beidawnna huaisia pen i tuak lai tak chu Pathian in a lopina a suklat nawp lai tak a hi ti a kichian ma ma hi.

Tuipisan galkhat lam: Tuipisan galkhat lam ahin, Isarael te chu thamuang tak leh lim takin a kipak ma mau hi. Mosi suapinu Miraim in le khuang neu tawh lâm pum in

la a hun sa, “*Lalpa chun lopi taka a zaw tak zia kin, sakawl leh a chungchuang tuipi’n a paitha tai,*” ti in Pathian a chawihawi ua, a thil bawl piak lopi tak zia ah chun a lim ma ma tau hi, ti imuu hi.

La phuaktu minthang tak, P.B. Shelley chun, “*Khawvel ah la phuak thiam pen pen te hin le, lungngaina guam khuk ah pat a hun phuak uh a hi,*” a la tia. India paisa zosia chung ah alim kizikpa M.K. Gandhi ziang inle, “*Ka mi ngaisan pen leh ka za pen te chu, tulai taka haksatna guam ah umte hih ahiu*” a la ti gual un; galkhat lam en theng lo hiala haksatna thuakte chu beidawnna ngen ahia, gal khat lam en theng theite a ding ah chun malzawl na a hi. Galkhat lam thilna pha pen chu, chung lama Pathian thil hitheina muan ngam ah kingak ngam hih a hi. Pathian chu i muan ngamna a san po leh, a thil hitheina lopi zaw sema hung kilang sek Pathian ahia, a

muang ngam lo te chu a ma’n le a ngaisak lo bang mai sek a hi.

Joshua Galkhat Lam: Israelte puitu lian pen leh muan um pen Mosi chu Moab phaizawl in Pathian in ahinna ala ta, a thasang ding in Joshua a hun guat ta a hi. Joshua hin Israelte pui ding hi a huphul ma ma le hi’n tin, Pathian in le, “*Laukin, lungthu ai kin, zam kin, hat tak leh hang takin um in, la chawtna gam tapo chu hun pia ding ka hi,*” tite ngen hin ahun tilkho hi. Joshua a ding ah chun ana sep patna ding chu, Jordan lui gal kai ah gam lak ding chu ahi ta a hi. Tichun, Pathian in Joshua kiang in, “*La ma lam ahin, Kanan mite, Hit mite, Hiv mite, Periz mite, Girgash mite, Amor mite, Jebus mite chu nawdaw piak ding ka hi. Ngai in, Pathian Thuthung thingkuang chun la mau in Jordan gal a kai tai,*” ti in a thu mu a. Tichun, Joshua chunle Jordan lui kan ding dan chu

ahun lem guat ta’i. Bulak hun lai ah chun Jordan lui chu a kam dim ah luang sek ahia, a kan ding chu huphul um tak hi ngei ding a hi. Ahin. Thiampute chu Pathian Thuthung Thingkuang zawn ah mipite ma ah tawng sang ni ah kikak ah, Jordan lui pal masa ding leh, a lailung taka chun ding den ding in lem a hun guat a. Tichun, Joshua thupiak gual in, Thiampute chun ahun bawl ua, Jordan lui chu akang tan ta, leihul in a gal kai tau a hi. Joshua lawi in Jordan gal akai nau ahin, haksatna chuti lawm chu um lo in Pathian in apui hi (Joshua 3: 1- 17).

Jordan galkhat lam: Jordan galkhat lam chu Kannan gam, gamtiam gam, khuaizu leh bawngnawi luanna gam a hita. Himaleh Jordan gal kai chu akai leh akai lo un, kidona a kipan ngal ahi ta. Gam alak masang uh chu gal gam, kidona gam ah lut ahi ngal tau hi. Jordan a kan nau kha kul thupi taka ki-um

Jeriko khua zawn lai tak ahia, zia chu a do ngal ding uh chu ahi ta ahi. Israelte chun galvan leh matchak thupi tak tak le anei puau a, himaleh, Pathian in galvan mangcha lo hial in Ama thilhitheina in Jeriko kulpi thupi tak kha a lak saka, bailam tak in gal a zaw sak hi ti i muu hi.

Zia hin Thagau lam din mun i gal do ding dan ei kaw k mu ah, a zaw zel ding dan le ei musak hi. Gingtute dinmun ah chun, i pianthak leh pianthak lo ahin setan tawh kidona, gal gam ah lut ngal i hui ti a etsak thei hi. I pianthak ma chun setan in ei thep le angai pua, ama a sa i hia, pianthakna i hun nei leh a melma hung kihi pan bep a hi. Mi piangthak ten gam lak ding le i nei zing ua, i melma pau setan tawh kidona le kipan ngal a hi zia kin, Pathian galvan bukim ah kithuam zing ding in, Bible in ei gen hi.

Sawlchak Paul Galkhat Lam: Sawlchak Paul